

आकाशवाणी

खास-खास खबरां

1. अमरीकाइ-जरायल दे हवाई हमलें च ईरान दे सर्वोच्च नेता अयातुल्ला अली खामेनेई, रक्षा मंत्री ते सेना प्रमुख मारे गए; ईरान नै जवाबी कार्रवाई च खाड़ी देशें च बमबारी कीती।
2. अमरीका दे राष्ट्रपति डोनाल्ड ट्रंप होरें आक्खेआ – ईरान नै कार्रवाई जारी रखी तां ओदे पर होर बी बड़े हमले कीते जाडन।
3. भारत नै संवाद ते कूटनीति कन्नै तनाव घट्ट करने दी अपील कीती।
4. पाकिस्तान नै अफगानिस्तान दी राजधानी काबुल पर हवाई हमले कीते।
5. प्रधानमंत्री नरेंद्र मोदी होरें पुद्दुचेरी च दो हजार 700 करोड़ रुपे दी विकास परियोजनाएं दा उद्घाटन कीता। आक्खेआ – सरकार पुद्दुचेरी गी नमी ऊंचाइयें पर लेई जा'रदी ऐ।
6. नागपुर दे इक कारखाने च भीषण विस्फोट च 17 लोकें दी मौत। प्रधानमंत्री होरें घटना पर दुख जाहिर कीता।
7. आईसीसी टी-20 क्रिकेट विश्व कप दे सुपर-8 मुकाबले च अज्ज कोलकाता च भारत दा सामना वेस्टइंडीज कन्नै।

<><><><><><>

**Khamenei Killed**

ईरान दे सर्वोच्च नेता अयातुल्ला अली खामेनेई दी अमरीका ते इजरायल दे हवाई हमलें च मौत होई गई ऐ। ईरान दे सरकारी टेलीविजन नै भी खामेनेई दी मौत दी पुष्टि कीती। खबरें मूजब, इने हमलें च ईरान दे लगभग चालीस अधिकारी भी मारे गए न। साहडे संवाददाता नै दस्सेआ जे ईरान च 40 दिनें दे राजकीय शोक दी घोषणा कीती गई ऐ। खबरें मूजब, ईरान दे सर्वोच्च नेता दी मौत अमरीका ते इस्राएल दे सांझै हवाई हमले मगरा होई ऐ। जिसदे च ईरानी सैन्य ते सरकारी ठिकानें गी निशाना बनाया गया। इक वरिष्ठ इजरायली अधिकारी मूजब, खामेनेई दा शव बरामद कीती गई। इसदे थवा पैहले राष्ट्रीय टेलीविजन पर प्रसारित अपने संबोधन च, इस्राएल दे प्रधानमंत्री बेन्यमिन नेतन्याहू होरें आक्खेआ हा पश्चिम एशिया च तनाव तेजी कन्नी बदी गया ते पूरे क्षेत्र च व्यापक जवाबी कार्रवाई होई। ईरान दे सर्वोच्च नेता खामेनेई दे कार्यालयें कश तेहरान सनें केई शैहरें च विस्फोटें दी खबर थहोई ऐ। ईरान सरकारी मीडिया नै घट्टोघट्ट दो सौ इक लोकें दी मौत ते सात सौ थवां मते लोके दे घायल होने दी खबर ऐ। ईरान दे सरकारी टेलीविजन नै खबर दिती ऐ जे ईरान दे सैन्य प्रमुख ते रक्षा मंत्री दी हवाई हमले च मौत होई गई ऐ। खबर मूजब, जनरल अब्दोल रहीम मुसावी, रक्षा मंत्री जनरल अजीज नसीरजादे ते ईरान दे अर्द्धसैनिक रिवाँल्यूशनरी गार्ड ते प्रमुख सुरक्षा सलाहकार अली शामखानी बैठक दौरान हमले च मारे गए।

<><><><><><>

**Khamenai Son**

अयातुल्ला अली खामेनेई दी मौत मगरा वरिष्ठ धर्मगुरु अयातुल्ला अलीरेज़ा अराफ़ी ईरान दे अंतरिम सर्वोच्च नेता दे तौर पर कम्मकाज सांभी लैता ऐ। सरकारी समाचार एजेंसी आई.एस.एन.ए. मूजब, अयातुल्ला अलीरेज़ा अराफ़ी होरें गी अस्थायी नेतृत्व परिषद दे न्यायविद सदस्य दे तौर पर नियुक्त कीता गया ऐ। एह परिषद ईरान दी संवैधानिक प्रक्रिया दे तैहत उत्तराधिकारी चुने जाने तकर सर्वोच्च नेता दे कर्तव्यें दा निर्वहन करने आस्तै उत्तरदायी ऐ। ईरान दी संवैधानिक व्यवस्था दे अंतर्गत अंतरिम परिषद च राष्ट्रपति, मुख्य न्यायाधीश ते संरक्षक परिषद दे इक धर्मगुरु शामिल हुन्दे न। खामेनेई दी मौत मगरा एह परिषद सांझै तौर पर देशै दी अगुवाई करोग।

<><><><><><>

**India Israel Advisory**

पच्छिम एशिया च बने दे मौजूदा हालात गी दिक्खदे होई भारतीय दूतावास नै अपने नागरिकें गी सौहगा-सतर्क रौहने ते एहतियात बरतने दी सलाह जारी कीती ऐ। इजरायल, ईरान, UAE, सउदी अरब, कतर, सीरिया,

ईराक, फिलिस्तीन, कुवैत, बहरीन ते जार्डन च रौहने आहलें गी लोकें गी आखेआ ऐ जे ओ गैर जरूरी यात्रा नेंई करन ते घेरें गै रौहन। इस सलाह च भारतीय नागरिकें गी आखेआ गया ऐ जे ओ जारी दिशानिर्देशों दी पूरी - संजीदगी कन्नै पालमा करन। भारतीय नागरिकें गी खबरें ते उत्थू दियें सरकारें दियें घोषणाएं पर तक्क रक्खने लेई बी आखेआ ऐ। अमरीका दे राष्ट्रपति डोनाल्ड ट्रम्प हुंदे आसेया ए आक्खे जाने जे ईरान दे धार्मिक लीडर अयातुल्लाह अली खामेनेई हुंदी मौत अमरीकाइजरायल दे हमलें च होई गई ऐ मगरा ए परामर्श जारी कीते गे - ना। परते च ईरान नै मिडलिस्ट च मिजाइलें ते ड्रोन राएं हमलें कीते ना। इजरायल च भारतीय दूतावास नै दसेया ऐ जे कुसै आपात स्थिति च भारतीय नागरिक दूतावास कन्नै सम्पर्क करी सकदे ना।

इजरायल च भारतीय दूतावास नै दसेया ऐ जे कुसै आपात स्थिति च भारतीय नागरिक दूतावास दे हैल्पलाईन नम्बर- 972547520711 पर सम्पर्क करी सकदे न जां [cons1.telaviv@mea.gov.in](mailto:cons1.telaviv@mea.gov.in) पर ई-मेल भेजी सकदे ना। कुवैत च भारतीय दूतावास हैल्पलाईन नम्बर ऐ 96565501946. एहदे इलावा [Communitykuwait@mea.gov.in](mailto:Communitykuwait@mea.gov.in) पर ई-मेल भेजी सकदे ना। जारी सलाह मताबक दूतावास सामान्य रूप कन्नै अपना कम्म करा करदे ना।

<><><><><><>

### MOCA Flights Cancelled

सिविल हवाबाजी सरबंधि भारतीय मंत्रालय नै घोषणा कीती ऐ जे ईरान ते इजरायल बश्कार बधदी तनोतनी ते ताजा घटनाक्रम गी ध्यानै च रखदे होई अज्ज 444 ब्हाई डोआरियां रद्द होई सकदियां ना। सोशल मीडिया पर इक पोस्ट च मंत्रालय नै आखेआ ऐ जे सिविल हवाबाजी महानिदेशालय DGCA यात्रियें दी सुरक्षा ते चालन नियमें दी पालमा जकीनी बनाने लेई एयर लाईन्स कन्नै मिलियै कम्म करा करदा ऐ। पोस्ट च आखेआ गया ऐ जे ईरान ते मध्यपूर्व दे किश हिस्सें पर ब्हाई क्षेत्र सरबंधि पाबंदियें दे कारण कल 410 डोआरियां रद्द कीतियां गेइयां हियां। यात्रियें गी ब्हाई अड्डे जाने कोला पैहले एयर लाईन्स कोला अपनी फ्लाईट दी ताजा स्थिति दी जांच करी लैने दी सलाह दिती गई ऐ। केइयें एयर लाईन्स नै बी अपनीया डोआरियां रद्द करने दा फैसला लैता ऐजियां जे पैहले बी - ईरान पर अमरीका ते इजरायल ते उप्परोतली हमल. खबर दिती जाई चुकी दी ऐ किे दे चलदे एयर फ्रांसएयर - -लाट पोलिश एयर लाईंस -जापान एयर लाईन्स -इंडिगो -इबेरिया एक्सप्रेस -ब्रिटिश एयरवेस -इंडिया -एयर एलजिरिया -कतर एयरवेज -वर्जिन एटलांटिक -तुर्की एयर लाईन्स -एयर शटल नारवेजियन -लुफथानसा स्कैन्डी नेवियन एयरलाईंस ते विज़ एयर सनें केंई प्रमुख हवाई सेवा कम्पनियें इस इलाकें अपनी सबै डोआरियां रद्द करी दितियां ना।

<><><><><><>

### US Prez

अमरीका दे राष्ट्रपति डोनाल्ड ट्रंप होरें ईरान गी चेतावनी दिती ऐ जे अमरीका उस पर होर कड़ा प्रहार करोगा। इक सोशल मीडिया पोस्ट च राष्ट्रपति ट्रंप होरें आक्खेआ जे ईरान नै अजें-अजें आक्खेआ ऐ जे ओहू बड़ा जोरदार हमला करने आहला ऐ। राष्ट्रपति ट्रंप होरें आखेआ जे ईरान गी इय्यां नेई करना चाईदा कि जे जेकर ओहू हमला करदा ऐ तां अमरीका पूरी शक्ति कन्नै उस पर हमला करोगा।

<><><><><><>

### EAM Foreign Ministers

विदेश मंत्री डाक्टर एसजयशंकर होरें कल खाड़ी मुखें दे केंई विदेशमंत्रियें कन्नै गल्लबात कीती ते गल्लबात च . जरूरतै पर जोर दिता। डाक्टर जयशंकर होरें संयुक्त अरब अमीरात दे कूटनीतिक रस्ते राएं तनोतनी घट्ट करने दी विदेश मंत्रियें शेख अब्दुल्ला बिन जायद अल नाहयान हुंदे कन्नै खाड़ी क्षेत्र दे तेजियां कन्नै बदलदे हालात पर चर्चा कीती। सोशल मीडिया पोस्ट च डाक्टर जयशंकर होरें आखेआ जे भारत इस बिगड़दी स्थिति गी लेइयै फिकरमंद ऐ। जयशंकर होरें दस्सेआ जे उंनें सऊदी अरब दे शहजादें फैसल बिन फरहान हुंदे नै बी गल्लबात कीती ऐ। उंनें कतर दी स्थिति बारे अवगत कराया। विदेशमंत्री होरें बहरीन दे विदेशमंत्री डाक्टर अब्दुल लतीफ बिन राशिद अल जायनी हुंदे कन्नै क्षेत्रीय घटनाक्रम पर विचार-बटांदरा कीता। उंनें आखेआ जे मजूदा हालात इक गंभीर चिंता दी विषय ना। उंनें इब्बी आखेया जे सरकार भारतीय समुदाय दी सुरक्षा लेई बी लोडचदियां गैई पुट्टने गितै त्यार ऐ। जयशंकर होरें कुवैत दे विदेशमंत्री शेख जर्हाह -जाबेर अल अहमद अल सबाह हुंदे नै बी गल्लबात कीती।

<><><><><><>

## China

चीन नै ईरान च अमरीका ते इजरायल दे हमले मगरा फौरी संघर्ष-विराम दी अपील कीती ऐ। चीन दे विदेश मंत्रालय नै सीरे पक्खें सोयां संयम बरतने ते समझौते आस्तै गल्लबात करने दी अपील कीती ऐ। चीन दी सरकारी समाचार एजेंसी नै आक्खेआ ऐ जे अमरीकी सैन्य कार्रवाई संयुक्त राष्ट्र घोषणा-पत्र ते अंतरराष्ट्रीय संबंधें दे बुनियादी मानदंडें दी साफ खिलाफवर्जी ऐ। तोआंई, इजरायल च चीन दे दूतावास नै इस्राएल च मौजूद अपने नागरिकें सोयां इजरायल च सुरक्षित थाहर पर या मिस्र चले जाने लेई आक्खेआ ऐ।

<><><><><><>

## US Pak Protest

अमरीका-इजरायल दे सांझा हमलें च ईरान दे सर्वोच्च नेता अयातुल्ला अली खामेनेई दी मौत मगरा पाकिस्तान दे कराची च माई कोलाची रोड पर स्थित अमरीकी दूतावास कश हिंसक विरोध-प्रदर्शन होआ। सोशल मीडिया पर मौजूद वीडियो च दिखेआ जाई सकदा ऐ जे दूतावास दे दरवाजे ते खिड़कियां तोड़ियां जा'रदियां न ते उन्दे च अगग लाई जा'रदी ऐ। प्रदर्शनकारियें दी सुरक्षाकर्मियें कन्नै झड़फ बी होई। भीड़ गी तितर-बितर करने आस्तै पुलिस नै अत्थरु गैस दे गोले दागे।

<><><><><><>

## UNSC Meeting

संयुक्त राष्ट्र दे महासचिव एंतोनियो गुतरेस होरें ईरान पर अमरीका ते इजरायल आसेया कीते गेदे ब्हाई हमलें दी निदेंया कीती ऐ। उ'नें खाड़ी क्षेत्र ते दुनिया गी इक बड्डे युद्ध शा बचाने लेई तुरत गल्लबात शुरु करने दा आह्वान कीता ऐ। गुतरेस होरें आखेआ जे अमरीका ते इजरायल आसेआ कीते गेदे ब्हाई हमले संयुक्त राष्ट्र चार्टर सनें अंतरराष्ट्रीय कनून दा उल्लंघन ऐ।

<><><><><><>

## Putin Khamenei

रूस दे राष्ट्रपति व्लादिमीर पुतिन हरें ईरान दे सर्वोच्च नेता अयातुल्ला अली खामेनेई ते उनदे परोआर दी हत्या दी सख्त निदेंआ कीती। उ'नें ईरान दे राष्ट्रपति मसूद पेज़ेशिकयन गी भेजे गेदे संदेश च इसी मानवीय नैतिकता ते अंतरराष्ट्रीय कानून दी खिलाफवर्जी दस्सेआ। पुतिन होरें दोनें देशें दे संरबधें गी इक व्यापक रणनीतिक सांझेदारी गी मजबूत करने च खामेनेई दी महत्वपूर्ण भूमिका दी सराहना कीती।

<><><><><><>

## Pak Attack Kabul

पाकिस्तान नै अज्ज बडलै अफगानिस्तान दी राजधानी काबुल पर हवाई हमले कीते। एह हमले मुकामी समे मूजब बडलै 5 बजिए चालीस मिनट पर कीते गए। करीब 20 मिनट तकर चले दे हमलें खिलाफ अफगान बलें भी जवाबी कार्रवाई कीती। अफगान अधिकारियें आरोप लाया ऐ जे पाकिस्तान दे हमलों च आम नागरिक मारे गए न। पाकिस्तान नै इस पर फिलहाल कोई टिप्पणी नैई कीती ऐ।

<><><><><><>

## Protest Khamenei

ईरान दे सर्वोच्च नेता, अयातुल्ला अली खामेनेई हुन्दी मौत दी खबर मगरा केंई देशें च शोक सभा ते विरोध प्रदर्शन होए न। शिया समुदाय नै खामेनेई दी मौत पर शोक ते आक्रोश व्यक्त कीता ऐ। तेहरान ते ईरान दे होर दुए शैहरे च लक्खां बद्दे लोकें ईरान खामेनेई हुन्दे मारे जाने पर शोक व्यक्त कीता। इस्फ़हान ते जंजन दी शिडकें पर बडी मती भीड़ दिक्खने दी लब्बी। प्रतिशोध दा प्रतीक जताते होए ईरान च धार्मिक महत्व आहली थाहर जामकरन मस्जिद दे गुंबद पर लाल झंडा फहराया गया। शिया परंपरा च एह झंडा न्याय ते प्रतिशोध दे आह्वान कन्नै जुडे दा ऐ। ईरान दे बाहर बी एकजुटता दिखाने आहलियां सभा होईयां। इराक दी राजधानी बगदाद च लोक शोक जाहिर करने आस्तै सडकें पर जमा होए। भारत च, दिल्ली च ईरान सांस्कृतिक भवन दे बाहर लोक किट्टे होय, जित्थे खामेनेई हुन्दी मौत पर इक बैठक होई। पाकिस्तान च, किश इलाकें च प्रदर्शन हिंसक होई गए। स्कार्दू च हजारें लोक जमा होए, जित्थे संयुक्त राष्ट्र कार्यालय गी अगग लाई दिती गेई।

<><><><><><>

## PM Narendra Modi

प्रधानमंत्री नरेन्द्र मोदी होरें पुद्दुचेरी च 27 सौ करोड रूपे सोयां मती दी विकास परियोजनाएं दा नीहू पत्थर रक्खेआ ते केई दा उदघाटन कीता। इस मौके पर उंनें आक्खेआ जे आध्यात्मिक पर्यटन, पारिस्थितिकी सैलसफा ते सेहत सरबन्धी सैलसफा च निवेश कन्नै सरकार पुद्दुचेरी गी ऊचाई पर लेई जा'रदी ऐ। श्री मोदी होरें आक्खेआ जे पुद्दुचेरी च फीहू व्यक्ति स्थाबै आमदन बदी ऐ- ते देशै दे समाजिक सूचकांक च एह सबने थवा उप्पर ना। उंनें आक्खेआ जे डबल इंजन सरकार पुद्दुचेरी दे आर्थिक विकास गी होर गति देगा। मोदी होरें नौ चिकित्सा कॉलेज दी मौजूदगी, जवाहरलाल इंस्टीट्यूट ऑफ पोस्ट-ग्रेजुएट मेडिकल एजुकेशन एंड रिसर्च च क्षेत्रीय केंद्र दे आधुनिकीकरण ते पुद्दुचेरी ते करइकल च नमें चिकित्सा खंडें दा नीहू पत्थर रक्खेआ।

<><><><><><>

## Nagapur

महाराष्ट्र च नागपुर दे राउलगांव च, एसबीएल एनर्जी लिमिटेड च इक जबरदस्त विस्फोट च 17 लोकें दी मौत होई गई ऐ। महाराष्ट्र दे मुख्यमंत्री देवेन्द्र फडणवीस होरें दस्सेआ ऐ जे धमाके मगरा अगग लगगी गई जेदे च 18 कम्मगार घायल होए ना। राहत ते बचाव आस्तै राष्ट्रीय ते राज्य आपदा मोचन बल दी टीम घटनाल पर स्थ-मौजूदना। प्रधानमंत्री नरेन्द्र मोदी होरें महाराष्ट्र च होए दे इस विस्फोट पर दुख व्यक्त कीता ऐ। श्री मोदी होरें मारे गेदे हर व्याक्ति दे नेडमे रिश्तेदार गी प्रधानमंत्री राहत कोष सोयां दोदो ल-क्ख रूपे ते घायलें आस्तै 50-50 हजार रूपे दी सीधी सहायता देने दी घोषणा कीती ऐ।

<><><><><><>

## CM Iran

जम्मू-कश्मीर दे मुख्मन्त्री उमर अब्दुल्ला होरें ईरान च पैदा होए दे खतरनाक हालात पर गैहरी चिंता प्रगट कीती ऐ- जित्थुआं ईरान दे सबनें शां बड्डे लीडर आयतुल्लाह अली खामेनेई हुंदी मौत दी खबर आई ऐ। मुख्मन्त्री होरें सबनें समुदायें दे लोकें अगगे अपील कीती ऐ जे ओ शांति ते सदभाव बनाए रक्खन ते कुसै बी चाल्ली दी ऐसी कारवाई नैई करन जेहदे नै समाज च अशांति जां टेंशन पैदा होऐ। अपनी इक सोशल मीडिया पोस्ट च उमर अब्दुल्ला होरें आखेया ऐ जे जम्मू-कश्मीर सरकार भारत सरकार दे विदेश मंत्रालय दे नेडमें सम्पर्क च ऐ- तांजे ईरान च मजूद जम्मू-कश्मीर दे विद्यार्थियों ते होरनें नागरिकें दी सुरक्षा गी जकीना बनाया जाई सकै। उंनें आखेया जे हालात पर नेडमी तक्क रक्खी जा करदी ऐ।

<><><><><><>

## Drone -Poonch

पुंछ जिले च कब्जा रेखा दे पारा थमां अज्ज बड्डुलै भारती इलाके च दाखल होए दे इक पाकिस्तानी ड्रोन पर फौज दे सौहगे जोआनें गोलीबारी कीती। आकाशवाणी दे जम्मू संवाददाता दी रिपोर्ट मूजब- पुंछ जिले दे दिगवार इलाके च किश चिर मंडराने परैन्त एह ड्रोन वापस पाकिस्तान बक्खी चले गेआ। पिच्छले त्रंऊ दिनें च एह दुई बारी ऐ जिस्सलै सुरक्षाबलें- बन्ने पारा थमां ड्रोन गतिविधि दा पता लगने पर ओदे पर गोलीबारी कीती ऐ। अधिकारियें मूजब अगेत्री चौकी पर तैनात जोआनें बड्डुलै तकरीबन 6 बज्जियै 10एं मिन्टें पर दुश्मन दा ड्रोन दिक्खेया ते उसी मारी सुट्टने लेई इक दर्जन राउंद गोलियां चलाइयां। ऊआं एह ड्रोन गोलियें थमां बचियै वापस बन्ने पार चली गेआ ते एहदे तुरत मगरा इलाके च इक तुपाई अभियान रम्भी दिता गेआ।

<><><><><><>

## Earth Quake -Doda

डोडा जिले च अज्ज बड्डुलै 4 इशारिया 2 दी तीव्रता दा भूंचाल आया। मौसम विभाग दे इक अधिकारी नै दस्सेआ जे भूंचाल दे झटके बड्डुलै 1 बज्जियै 25एं मिन्टें पर महसूस कीते गो। भूंचाल दा केन्द्र धरती दी सतह कोला 5 किलोमीटर हेठ हा। आकाशवाणी दे जम्मू संवाददाता नै जानकारी दिती ऐ जे कुतै बी कुसै चाली दे जान-माल दे नुक्सान दी कोई खबर नैई ऐ।

<><><><><><>

## Cricket

आई.सी.सी टी-20 क्रिकेट विश्व कप च अज्ज भारत दा सामना वेस्टइंडीज कन्नै होगा। मैच हूनै थमां किश चिर पैहले शुरु होआ ऐ। एह मैच कोलकाता दे ईडन ग्राउंड च खेडेआ जा'रदा ऐ। इस मैच दा विजेता सेमीफाइनल च प्रवेश करोगा।